

Broj: UP1-06-13-1-45-9/23
Mostar, 19.7.2023. godine

Na osnovu člana 21., člana 37., člana 42., člana 84., člana 85. stav (2) i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15, 54/19, 1/22 i 61/22), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18. Pravilnika za izdavanje dozvola („Službene novine Federacije BiH“ broj 2/17, 39/20, 82/21 i 1/23), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (3), člana 5., člana 6. stav (2) i člana 9. stav (1) Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19 i 1/23) postupajući po Zahtjevu za izdavanje dozvole za rad za proizvodnju električne energije broj UP1-06-13-1-45-1/23 od 17.3.2023. godine i po Zahtjevu za izdavanje dozvole za rad za proizvodnju električne energije broj UP1-06-13-1-46-1/23 od 17.3.2023. godine podnosioca zahtjeva Proizvodnja električne energije „MANDINO“, Ortiješ bb, Mostar, vlasnika Slavka Čule, Regulatorna komisija za energiju u Federaciji Bosne i Hercegovine – FERK je 19.7.2023. godine na XV redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije podnosiocu zahtjeva Proizvodnja električne energije „MANDINO“.
2. Utvrđuje se Proizvodnja električne energije „MANDINO“, status kvalifikovanog proizvođača u objektima „MANDINO 101“, „MANDINO 102“, „MANDINO 103“, „MANDINO 104“, „MANDINO 105“ i „MANDINO 106“, u periodu važenja dozvole iz tačke 3. ovog rješenja.
3. Dozvola za rad izdaje se na period od 19.7.2023. godine do 18.7.2033. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tačaka 1. i 3. ovog rješenja.
5. Imalac dozvole je obavezan platiti regulatornu naknadu za 2023. godinu u iznosu od 136,44 KM.
6. Imalac dozvole regulatornu naknadu iz tačke 5. ovog rješenja je obavezan platiti do 31.8.2023. godine.
7. Imalac dozvole je obavezan plaćati regulatornu naknadu za naredne godine važenja dozvole na način i u iznosu koji utvrdi FERK posebnom odlukom.
8. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 17.3.2023. godine FERK je od podnosioca Proizvodnja električne energije „MANDINO“ primio Zahtjev za izdavanje dozvole za rad za proizvodnju električne energije u mikro-postrojenju OIE pod brojem UP1-06-13-1-45-1/23. Dopuna istog zahtjeva u FERK je primljena 4.4.2023. godine pod brojem UP1-06-13-1-45-2/23. Navedeni zahtjev je podnesen u skladu sa obavezom iz člana 4. Pravilnika za izdavanje dozvola da lica koja obavljaju ili žele obavljati djelatnost proizvodnje električne energije obavezni su imati, odnosno, ishoditi dozvolu za rad od FERK-a. Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izdavanje dozvole za rad za proizvodnju električne energije u mikro-postrojenju OIE broj UP1-06-13-1-45-3/23 od 6.4.2023. godine, te mu odredio rok radi otklanjanja u Obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 18.4.2023. godine pod brojem UP1-06-13-1-45-4/23 i dopis primljen u FERK 5.5.2023. godine pod brojem UP1-06-13-1-45-5/23. Dalje, podnosilac zahtjeva je dostavio dopis primljen u FERK 9.5.2023. godine pod brojem UP1-06-13-1-45-6/23, uz koji je FERK primio Zahtjev za izdavanje dozvole za rad za proizvodnju električne energije sa potrebnim podacima i Izjavu da odsustaje od Zahtjevu za izdavanje dozvole za rad za proizvodnju električne energije u mikro-postrojenju OIE, te uz koji je dostavio tražene informacije i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Dana 17.3.2023. godine FERK je od podnosioca Proizvodnja električne energije „MANDINO“ primio Zahtjev za izdavanje dozvole za rad za proizvodnju električne energije pod UP1-06-13-1-46-1/23. Dopuna istog zahtjeva u FERK je primljena 4.4.2023. godine pod brojem UP1-06-13-1-46-2/23. Navedeni zahtjev je podnesen u skladu sa obavezom iz člana 4. Pravilnika za izdavanje dozvola da lica koja obavljaju ili žele obavljati djelatnost proizvodnje električne energije obavezni su imati, odnosno, ishoditi dozvolu za rad od FERK-a. Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izdavanje dozvole za rad za proizvodnju električne energije broj UP1-06-13-1-46-3/23 od 6.4.2023. godine, te mu odredio rok radi otklanjanja u Obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopise primljene u FERK 18.4.2023. godine pod brojem UP1-06-13-1-46-4/23, 5.5.2023. godine pod brojem UP1-06-13-1-46-5/23, 9.5.2023. godine pod brojem UP1-06-13-1-46-6/23 i 9.6.2023. godine pod brojem UP1-06-13-1-46-7/23, uz koje je dostavio tražene informacije i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

S obzirom da je FERK prilikom pregleda gore navedenih zahtjeva i dokumentacije dostavljene uz iste utvrdio da se ovi zahtjevi baziraju na istom činjeničnom stanju, kao i na istom pravnom osnovu, te da je FERK stvarno nadležan u pogledu navedenih zahtjeva, FERK je 4.7.2023. godine donio Zaključak broj UP1-06-13-1-45-7/23 kojim se spajaju predmeti u navedenim postupcima, zbog čega će se o spojenim zahtjevima dalje voditi jedinstveni postupak.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj UP1-06-13-1-45-1/23 od 17.3.2023. godine i po zahtjevu broj UP1-06-13-1-46-1/23 od 17.3.2023. godine, podnosioca Proizvodnja električne energije „MANDINO“. Na osnovu člana 85. stav (2) i člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj UP1-06-13-1-45-8/23 od 4.7.2023. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 5.7. do 13.7.2023. godine do 12:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost dostaviti zahtjev za sticanje statusa umješača na adresu FERK-a ili na elektronsku adresu, u periodu od 5.7. do 13.7.2023. godine do 12:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješača, odnosno do 13.7.2023. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješača.

Dalje, članom 4., članom 5. i članom 6. Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 9. stav (1) Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisano je da će se prilikom izdavanja/obnove dozvole imaocima dozvola za obavljanje elektroprivrednih djelatnosti i imaocima dozvola iz člana 6. stav (1) ovog pravilnika, te Operatoru za OIEiEK iznos regulatorne naknade utvrditi/preračunati izdavanjem pojedinačnog rješenja u skladu sa članom 5., članom 6. i članom 8. ovog pravilnika. O obavezi plaćanja regulatorne naknade imaoцу dozvole se ispostavlja posebno obavještenje.

Na osnovu obrade Zahtjeva za izdavanje dozvole za rad za proizvodnju električne energije podnosioca Proizvodnja električne energije „MANDINO“ i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonom o korištenju obnovljivih izvora energije i efikasne kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, u dozvoli koja je predmet ovog rješenja podnosiocu zahtjeva postavljeni su, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu Proizvodnja električne energije „MANDINO“ da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSJEDNIKA FERK-a

Mile Srdanović, s.r.